

## **OKVIRNI SPORAZUM o isporuci lož ulje**

**1. MINISTARSTVO UNUTRAŠNJIH POSLOVA KANTONA SARAJEVO**, Sarajevo  
ul. La Benevolencije broj 16, koje zastupa minister Admir Katica ( daljem tekstu: Kupac) i

**2. "HIFA" d.o.o. Tešanj**, Bukva 9, Tešanj koga zastupa direktor Muris Hadžimehić (u daljem tekstu: Prodavac)

Strane u okvirnom sporazumu saglasno konstatuju:

- da je Ugovorni organ u skladu sa Zakonom o javnim nabavkama BiH ("Službeni glasnik BiH", broj 39/14) proveo otvoreni postupak uz primjenu e-aukcije za nabavku lož ulja za potrebe Ministarstva unutrašnjih poslova Kantona Sarajevo, sa ciljem zaključivanja okvirnog sporazuma sa jednim ponuđačem na period od 24 mjeseca;
- Nabavka je izvršena nakon provednog otvorenog postupka na osnovu Odluke broj 01-14-4-5392 od 30.09.2019. godine i Obavještenja o nabavci broj 1364-1-1-47-3-38/19 od 10.10.2019. godine;
- Okvirni sporazum ne predstavlja obavezu Ugovornog organa na zaključivanje ugovora o javnoj nabavci;
- Obaveza nastaje zaključivanjem pojedinačnih ugovora o javnoj nabavci, na osnovu ovog okvirnog sporazuma, u zavisnosti od potreba Ugovornog organa, a pod uslovima utvrđenim u ponudi Dobavljača broj P2514/2019 od 31.10.2019. godine.

### **Član 1.**

Predmet okvirnog sporazuma je nabavka lož ulja za potrebe Ministarstva unutrašnjih poslova Kantona Sarajevo.

Količine navedene u specifikaciji su okvirne i vrijede za vrijeme važenja okvirnog sporazuma. Ukupna vrijednost ovog okvirnog sporazuma nakon provedene e-aukcije sa PDV-om 108.250,74 KM na koji se dodaje taksa u iznosu od 700,00 KM, što ukupno iznosi 108.950,74 KM (stoosamhiljadadevetstotinapedeset i 74/100 KM).

### **Član 2.**

Nakon zaključenja okvirnog sporazuma, ugovorne strane će zaključiti pojedinačne ugovore o javnoj nabavci.

Pri zaključivanju pojedinačnih ugovora, ne mogu se mijenjati bitni uslovi iz ovog okvirnog sporazuma.

### **Član 3.**

Kupac će ugovorenu cijenu plaćati u roku od 30 dana po isporuci i dostavljanju fakture.

### **Član 4.**

Prodavac je dužan da izvrši isporuku u roku od jednog dana od dostavljanja narudžbenice.

### **Član 5.**

Prodavac se obavezuje da isporuku izvrši u svemu prema tehničkoj dokumentaciji, propisima, standardima i normama kvaliteta koji važe za vrstu robe koje su predmet nabavke.

### Član 6.

Ukoliko poslije zaključenja ovog okvirnog sporazuma nastupe okolnosti više sile koje dovedu do ometanja ili omogućavanja izvršenja obaveza definisanih okvirnim sporazumom, rokovi izvršenja obaveza će se produžiti za vrijeme trajanja više sile.

Viša sila podrazumijeva ekstremne i vanredne događaje koji se ne mogu predvidjeti, koji su se dogodili bez volje i uticaja strana u okvirnom sporazumu i koji nisu mogli biti spriječeni od strane pogođene višom silom.

Višom silom mogu se smatrati poplave, zemljotresi, požari, politička zbivanja, imperativne odluke vlasti i slično.

Strana u okvirnom sporazumu koja je pogođena višom silom, odmah će u pisanoj formi obavijestiti drugu stranu o nastanku nepredviđenih okolnosti uz prilaganje odgovarajućih dokaza.

### Član 7.

Ovaj okvirni sporazum se zaključuje na period od 24 mjeseca, a stupa na snagu danom obostranog potpisivanja.

### Član 8.

Sva, eventualno sporna pitanja rješavat će se dogovorom, štiteći obostrane interese.

U slučaju nemogućnosti zajedničkog rješenja, eventualno nastalog spora, spor će rješavati nadležni sud u Sarajevu.

### Član 9.

Ovaj okvirni sporazum izrađen je u četiri istovjetna primjerka, od kojih po dva zadržava svaka strana.

**DOBAVLJAC**  
**„HIFA“ d.o.o. TESANCI**

**direktor**  
**Muris Hadžimehić**

Broj: 7013/2020  
Datum: 26.12.2019. godine



**NGOVOJNI ORGAN**  
**MUP KANTONA SARAJEVO**

**ministar**  
**Admir Katica**

Broj: 01-14-4-5392-4  
Datum: 26.12.2019. godine